

Ama Naigabetuari
bederati morma.

ATV

18328



EDIT. SOCIAL CATOLICA
VITORIA

H- 8568

R- 36234

ATN

18328

JAUNGOIKO - ZALE'REN IDAZTIJAK

IZURATEGI ABADIA.

AMA NAIGABETUARI

BEDERATZI - URUNA



1921

JAUNGOIKO-ZALE'REN IRARKOLEAN

Zorrotza. — (Bizkaya)

Nihil obstat
Lic. Petrus de Anasagasti
Censor


IMPRIMATUR
Victoriæ 7 Decembris 1921
Vicarius generalis


L. † S. *Dr. Joseph Leontius O. de Zárate*

De mandato Perill. Domini Vicarii generalis
Dr. Justo de Echeguren
Can. S.rius.



GEMITUS MATRIS TUÆ NE OBLIVISCARIS
AMAREN NEGAŖAK EZ EGIZUZ AIZTU
(Eccli. 7-29)





AMA NAIGABETUARI

BEDERATZI - URUNA

Neure Jesukristo Jauna.....

EGUNEROKO OTOITZA

¡O Marija!, ama guztijen artian amarik bigunena, samuřena, gozuenena, baña baita atsekabetuena be.—Zeure seme zintzuak garian aldetik, gauř zeure auřera gatoz, bederatzi-urun onetan eta zeure laguntzaz, zeure bijotzeko naigabe mingarĳak eta samintasun garatzak gogoratutera, eurak saratuten dabezan ikasbidiak jaraituteko asmoz.—Egizu ba, ařen, ama laztana, adimen argiz ta bijotz samuřez gogoratu daiguzala, gure bijotzetan zeuganako erukija ta maitasun berua sortu dedin.—Alan izan dedila.

— 6 —

LENENGO EGUNERAKO

G O G A R T I A

Simeon urfetsuaren itzak

Jerusalen'go urijan, Simeon zeritxon gizon bat bizi zan, urtietan auferatua, ziñis-men biziko gizona, Jaunaren esanak zintzo betetan ebazana.—Israël'go alaitzalia ikusi barik erbeste onetatik ez ebala urtengo, Jaungoikuak adierazo eutsan. — Oitura eban lez Eleizara zuzendu zan eta zeruko argiz ezagutu eban Marijak besuetan eroyan umetxua Jaungoikuaren Semia zala. —Bere besuetan artu ta poz-pozez ta begiak zerurutz jasorik Jaunari dirautso: «Jauna, nire begiak zure osasungaríja ikusi dabe: zure serbitzarija bakez bete dozu: erbeste onetatik atara eikezu.» Eta besuetan eukan umetxua amari emotian dirautso: «*Ecce positus est hic in ruinam et in resurrectionem multorum in Israel...*» «Ume au askorentzat galgaríja izango da, beste asko beragaz ondo balijaurik salbauko badira be.—Gañera naigabezko ezpata soñotzak zure bijotza sulatuko dau.»

Marijak bertatik ezagutu eban zer jaso-ko jakon, itz onetan bere Seme maitiaren azken gorija ikusi ebalako. Au izan zan bere bijotz samura zauritu eutson lenengo ezpata sorotza.—Ezpata au bijotzian jositā eroyan Marijak bere bizitza guztijan, nun-nai ta era guztijetan, egunez ta gabaz, etxian eta etxetik kanpora; ugatz gozuak emoten eutsazanian, nai laztan bigunak ezartzen eutsazanian, beti, bere seme kutunak izango eban nekaldi gogoŕa gogoratuten jakon-da.

Eta guk ħeztogu iñoz gure ama Marija-ren bijotz samura geure pekatu, gaiztake-ri ta dolorkerijakaz zauritu?

Gogoratu apurtxo baten eta eskatu gura dan es-kaŕ edo grazija. Gero saspi «Aguŕ Marija» esan egizuz.

AZKENENGO OTOITZA

O Ama naigabetua! Simeon deunaren itz gaŕatzak entzutian zure bijotz samurak artu eban samintasunagaitik, erukitu, ar-en, guzaz eta lagun gaizuz pekatuakaz

— 8 —

damutu ta pekatuari gofoto izaten, zure
bijotza alaitu ta gure arimatxuak salbau
daitezen.

BIGAREN EGUNERAKO

GOGARTIA

Egipto'ra - igesa

Marija ta Jose, alai ta gozoro bizi ziran Belen'en.—Jesus maitasunik beruenagaz maitatzen eben. Jesus zelan azi ta gorde zan Marija'ren pentzamentu bakaña.—Eztija baño gozuago zan ugatzagaz janaritu-ten eban.—Jesusegaz eukazan bere ardu-ra guztijak.—Baña ara lo gozuan eguala Josek nun esnatzen daben, esanaz: «Berbertatik iges egin biar dogu, Herodes er-ege donga ta bijotz gogoreko arek Jesus il-gura dau-ta. Laster bialduko dauz gudar-riak Jesus umetxuaren bila. Augaitik, oraintxe bertan urten biar dogu Egipto-runtz bere atzaparetan jausi eztedin.»

Albista au entzutian, Jesus il-gura eben-ak ate-inguruan egozala irudituko jakon Marijari. ¡Ze esturia beria! ¡Ze ordu lañija!

Geijagoko barik, gauza guztijak bertan-bera itxi: inguruan eukazan zapitxuakaz bere semetxua estaldu ta, Jose deuna la-guntzale dabela, ama-semiak an doyaz igesi. Leku ilun, aldapa, ta sasiz inguratu-tako basterak artzen dabez bidian inor ez ikustiagaitik. Pristijen oruak eta aixe txis-tularijak larituten dabe Marijaren bijotz sa-mura, ta besuetan eroyan semetxua bular-ian estuturik, dirautso: «Jesus, Jesus laz-tana! Zeruak ezteyala zu Herodes'en es-kuetan jaustia gura-izan!—Ze esturia! Ze naigabe mingotsa ama maite onena!

Guri be sari-askotan (diñosku) esaten dosku zeruak, txerena geure arimak ar-apau nairik dabilela, ta bide gaizto, aizki-de donga ta galbide urekueetatik iges-egin daigula. Orain-artian zer egin dogu? Aur-erantzian zer egitia uste dogu?

Gogoratu..... ta eskatu..... Sc spi «Aguir Marija.»

AZKEN - OTOITZA

O Ama laritua! Egipto'ra iges-egitian artu zinuza estura ta laritasun mingarjia-kaitik lagunduiguzu, aren, zeure eskar

— 10 —

edo grazijagaz; eta emoiguzu pekatuko bide okeñak itxi ta zeruko bide zuzenetan ibilteko biar dogun laguntasuna ta zeure antzera Jesus ez galtziagaitik gauza guztijak itxiteko adoria.

IRUGAÑEN EGUNERAKO

G O G A R T I A

Jesusen galtzia

Herodes il eta irugañen urtian Nazaret'eko urira biurtu zirian Ama-semiak eta Jose Deuna. Uri atan eta Marijaren etxetxuan bake gozatsuan bizi ziran.—Ama, egunetik-egunera eztitsuago zan semeari begira eguan. Jose, bere senar deunak, eta langile prestuak irabasten eban, ama-semiak biar eben janarija.—Nazaret'eko etxetxuak zerua zirudijan.

Baña, laño bagako egun garbi ta alaya laster goibeltzen dan lez, Nazaret'ko etxetxua be naigabezko odei-ekaitxuak eztali dau.—Jesus mutikotxua, aita ta amagaz

Jerusalen'era Paskoz jua zana, igari barik, aldraategaz edo bestiagaz etorrelakuan, Jerusalem'en geratu jaken.—Egun biko ibiltaldija egin ezkerokuan eta gaba igaroteko ostatura eldu zirianian, Jesus etzala agiri ezagutu eben. ¡Ze atsekabia! ¡Ze arantza mingarria sartu jaken bijotzian Jose ta Marijari! Bideko nekia kentzeko asti barik etxetik urten da ara ta ona duaz; senide ta ezagunen artian itandu ta ezto-tse inok azterenik emoten.—Umetxo bat urinera ikusi orduko, Jesus, bere semetxua dala irudituten jako amari, baina..... Jesus ezta agiri. ¡Ze estutasuna! ¡Ze larria! Zuloaren baten jausi ete-da? Arkelao bijotz gogorekuak arapau ete-dau? Deyezka ete-dago? ¡Jesus! ¡Jesus! Nun zara? Zergaitik naukazu onan negarez? Zeure amagan uts-egiteren bat aurkitu al-dozu? ¡O Ama gazitua! ¡O nun-nai negarez bilatzen zaitudan ama laztana!

Eta guk, uskeri bategaitik Jesus saldu dogunok; atsegin zatar bategaitik ainbeste bida Jesus galdu dogunok, eztogu negar-malkorik izurtzen? Eztogu Bera bilatute-

— 12 —

ko ezer egiñen? Jesus barik, bizitzarik alayena, zoritxarrik baltzena da.

Gogoratu..... ta eskatu..... Saspi «Aguñ Marija.»

AZKEN - OTOITZA

Iru egun luzietan, negarez urturik, zeurre semetxuaren bila ibili zinian Marija! Izuri, aŕen, gure bijotzetara dongaro egiñaren damu-izpitxo bat, damuz eta negarez, Jesus bilatu daigun, eta bañiro bera iñoz galdu eztaigun, Jesusegaz bizi gura dogu, ba, orain emen luñian eta gero an, zeru goijan.

LAUGAÑEN EGUNERAKO

G O G A R T I A

Jesus kurutzia lepuan eroyela

Jerusalendarak gañasika kurutzeko erijotzia eskatu ta Pilatos epaikaridak lapuñ biren erdijan ilteko epaija emon eutsorian, Jesusen bijotz samuñ uratuta, orolduta, naigabez beteta geratu zan.—Emon eutsezan zartada ikaragañjakaz zauri bat egiñik eguan, alan guzti bere, kurutze lu-

ze astuna aurian ipiñi eutsenian, laztandu, sorbalda-gañian artu ta kalbarijoko mendiruntz igoten asi zan.—Bere Amak, Juanek esanda, au jakin ebanian, etxian egon eziñik urten da bide-zioñak-ziañ auria artu eutson.—Badator Jesus lapur biren erdijan. Adar-soñu garatzak eta tanboñ-saratak ikaratuten dabez emakume batsuk.—Marija antxe dago zutik ikusmirarik negargañijaren zain. Alako baten ikusten dau Jesus ta Jesusek be bai bere ama, ta bijen bijotzak naigabe gordiñaz bete ziran.—Jesus, indarगतता, lañi-lañi joyan eta zutik ezin egon da, bere amaren aurian luña jo eban.—O Ama! amarik maiti-ena! Zein neuribagia dan zure atsekabia!

Eta guk, ez-ete doguz iñoz bañistau, Marijak bere semiaren nekaldijan igaro ebazan atsekabe aundijak? Geure bijotzak (kontzientzidak) zer dirausku?

Gogoratu..... ta eskatu. ... Saspi «Aguñ Marija.»

AZKEN - OTOITZA

O ama lañitua! Jesus zeure seme Maitia kurutze astunagaz joyala urkamendiko

bidian ikusi ziñuanian artu ziñuan min
-atsekabe aundijagaitik, erukitu guzaz;
gure bijotzetan pekatuaren damu egijaz-
kua sortu, pekatua gorotauagaz zure nai-
gabiak arindu ta zure bijotza alaitu dai-
gun.

BOSKAREN EGUNERAKO

G O G A R T I A

Jesus kurutzian josita.

Eldu jako Jesus, gure maitale aundijari,
Aita betikuak izentauriko erijotz - ordua.
Igo zan kalbarijoko mendira.—Zer daku-
se gure begiak mendi oretan?—Erroma'ko
gudalaridak gentadija alderatuten, Jesus
bildotz erugabia zutik arerijoz inguratua,
boferuak ultze ta malauak eskuetan dabe-
zela Jesus josteko gertu.—Kurutze-gañian
etzin dedila agintzen dotse ta Jesus, beti
esaneke, txitik egin barik etziñen da ta
ultze gogor eta zorotzakaz esku-oñak jos-
ten dotsez:—Marija, semiaren esku ta
oñetako ultziakaz bere bijotza puskatuta

ebala kurutze-oñian zutik eguan.—Or-
egaitik diño Bernardo deunak «Marijak al-
di atan igaro ebazan min-atsekabiak, gure
miñak adierazo ta buruak gogoratu al-lei-
kezan baño aundijaguak izan ziriala» *Nec
lingua poterit loqui, nec mens cogitare
valebit quanto dolore afficiebantur pia
viscera Mariæ.* (In. Lam. B. Mariæ).

Amaren bijotza bere semia gaizkile bat
lez ilten ikusteko bigunegija da; eta sa-
muřena izan ařen, auřez-auř dauko bere
Semia erijotzarik lotsagarijenian ilten.
—¡Ze atsekabia Ama maite onena! Baña
Jesusen gorputzeko miñak baño, berari
botetan eutsezan madarikaziñuak, geijago
minduten eben amaren bijotz samuřa.
Prætereuntes blasphemabant eum.—Ju-
degu bijotz gogořdun arek, Jesusen auře-
tik igarorik, burlaz zirautsen: «bestiak
salbau dauz ta bere burua ezin salbau
dau: Jaungoikuaren Semia bazara jatxi
zaitez kurutzetik eta ziñistuko dogu» eta
Marijak, bere Seme maitia aingeruak,
igarlak, Juan-deunak eta Isabel deunak
ago batez donetsi ebena zala jakin ařen,

— 16 —

madarikaziño guzti onek ixil-ixilik entzun da iruntziten dauz.—¡O Ama, naigaberik aundijenagaz gaziñua!

Eta guk ez ete-dogu iñoz Marijaren Seme laztana birauakaz, Ogi Deuna bijotz deungaro gertauan artuagaz, izketa nasai ta nabarmenakaz iraindu?

Gogoratu... . ta eskatu..... Saspi «Agur Marija.»

AZKEN-OTOITZA

Kurutziaren oñian samintasunez beterik zengozan Ama erukigaríja! biraulari dongakaz erukitu zaitez ta eskatu zeure Seme Jesusi, bigundu dagizala, añen, euren bijotz gogortuak eta euren begi itxutuak edegi, madarikaziñuaren astuntasuna ezaguturik deabruzko izkuntz au goñotau ta Jesus zeure zabeleko frutu donetsija beti ta aldi guztijetan onetsi dagijen.

SEIGAREN EGUNERAKO

GOGARTIA

Marija Kurutziaren oñian

Juan deun ebanjelarijak, kalbarijoko

jazoera negargañi guztijen ikusle izan zanak, eta ain ziatz ta garbi adierazo ebazanak, Marijaren oñazak asaltzeko baño aundijaguak ziralako itz onexek bakañik idatzi ebazan: «Marija kurutziaren oñian zutik eguala: *Stabat juxta crucem Jesu*».

Atsekabiaren neurija maitasuna izan oida.—Lurko maitalien artian ama lezko maitalerik eztago. — Amak, naiz ondo erantzun, naiz txarto, naiz eskergabiak izan, jaijotzatik il-arteraño aspertu barik maite gaituz.—Maitalerik bero, itxu, garbi ta iraunkorrena ama da.—Marija, ama guztijen artian amarik bigunena, samurrena, gozuenaren, Espiritu Deunak dogu guztijakaz apaindu ebalako.—Serapiñena baño bizijagua ta eriaagua zana bere Jesusi eutson maitasuna... eta... ama onek bere seme maitia kurutzatuta ikusten dau ta ezin lagundu, arantzaz buruestaurita ta arantza bat bera be ezin kendu, bere esku-oñak ultze gogorakaz josita ta ezin etara, egañiz itoten da ur tanga bat ezin emon, biloxik eta bere aragijak ezin estaldu; esaten dautsezan birauak entzun

da ago baltz arek ezin ixildu.—¡Ze samin-tasun aundija ama onena! Jesusi lagundu gura ta ezin lagundu, bere neke andi-gar-atzak arindu gura ta ezin arindu: onek puskatuten eutson bere bijotza. «Marija, ordu atan, bizi-bizirik il-agiñian aurkitzen zala» diño Geronimo deunak: *moriebatur vivens*.

Gure Ama Marijak kurutzepeko naigabe aundijak sendotasunik miragaríjenagaz eruan ebazan lez, eruan daiguzan guk be, erbeste onetan noizian-beiñ aurkituten doguzan kurutziak.

Gogoratu..... ta eskatu..... Saspi «Aguí Marija.»

AZKEN - OTOITZA

¡O Marija, ama guztijen artian naigaberik gordiñenakaz asetua; bizitza onetan idoroko doguzan oñaze, estutasun eta lařitasan guztijak gaurtik auñera zeure ize-nian eruan gura doguz: baña argalak garian lez, zeure laguntasuna itxaroten dogu; beragaz indarturik, eruapen oso-osu-agaz eruan al-izan daiguzan, euren bidez donoki goiko atsegiñen jabe egin gaitian.

SASPIGAÑEN EGUNERAKO

G O G A R T I A

Marija geure Ama

Jesus kurutzian josijari odola baxen ugari erijon erukitasuna be.—Bere nairigabe ta min aundijakaz azturik bere iltzallientzat parkazina eskatuten dautso Aita zerukuari; parkazina ta zerua eskintzen dautsoz lapur onari ta bere maitasun-azken ezaungarria giza-seme guztijoi agertu nairik, kurutziaren onian samintasunez beterik eguan bere ama, amatzat emoten dosku.—Bere begi lausotu ilaginkuak amaganuntz biurtu ta buruagaz Juan maitia erakutsirik: «andria, dirautso, ora or zeure Semia»: eta gero Juanengana zuzendurik: «Seme, ora or zeure ama» Itz labur onekaz amaren bijotzeko nairigabia astunago egin zan.

Eztautso ama deitzen, andria baño ta arantzale baten semia emoten dautso Seme Jaungoiko-ordez, ikaslia erakusle or-

— 20 —

dez, berez dontsua dan orde z gizon peka-
tarija.—¡Au desbardintasun negaŕgaŕija!

Baña amak bere seme bakaŕa, semerik
onena, maitalena galtzen badau, guk os-
tera amarik bigunena, samuŕena irabazten
dogu.—Auŕerantzian, bere amatasunaren
ardura guztijak geugaz izango dauz ta
beragandik estutasunetan laguntasuna,
ezetsijetan indaŕa, naigabezko egunetan
poza jaretxiko dogu.

Zeruko ama onegaz gogoratuten gara?
Seme on bati dagokijon maitasuna era-
kusten dotsagu?

Gogoratu..... ta eskatu..... Saspi «Aguŕ Marija.»

AZKEN - OTOITZA

Ordurik estu ta laŕijenian zeure min nai-
gabe aundijak aztuta geugaz gomutau zi-
ñian, Jesus kurutzetua! Zeure ama geure
amatzat emon doskuzulako eskeŕak da-
motzuguz.—Iguzu, Jauna, zeure ikasle ta
seme-ordeko Juanek maitatu eban lez,
geuk be maitatu daigula, bere eskaŕ ta
mesede aundijen duiñ egin gaitezan.

ZORTZIGAREN EGUNERAKO

G O G A R T I A

Jesusen erijotza

Jesukristo gure Jauna naigabez, miñez, ta samintasunez asetuta kurutze lotsagar-ijan il zanian bere oñaze guztijak amaitu ziran, baña kurutzepian eguan ama lañija-renak etzirian amaitu, geitu ta ugaritu ba-ño.—Itxaso asaratuan olatu bizdunak ba-ta bestiaren ondoren atxetan apurtzera do-yazan lez, Marijaren bijotzera oñazeak oñazen gañera etozan.

Ze malko samiñak isuriko ebazan! Ze itz bigun maitaliak negarakaz nastauta esango eutsazan, Jose ta Nicodemus deu-nak Jesusen gorpu ila altsuan ipiñi eutse-nian!

Jesus, neure seme laztana! nork ainbes-teraño zauritu zaitu? eguzkijak baño ar-gijago egiten eben zure begi orek nork ilundu dauz? zeruko egi osasuntsuak iragarñen ebazan zure miñ ori nork lotu

dau? alde guztijetan mesediak baño zabaltzen ezebezen zure eskuok nork zulatu dauz?..... eta onan zauri guztijak laztanduaz negaiez urtzen zan.—Érukañija benetan ama maite onen samintasun garatza!.....

Eztaiguzala amaren negaia astu, dirausku Espiritu Deunak: *gemitus matris tuæ ne obliviscaris*. Orain-artian gogoratu doguz? Eurak legortuteko ezer egin dogu? Marijaren negaia pekatuaren damuagaz legortuten dira.

Gogoratu..... ta eskatu..... Saspi «Aguñ Marija,»

AZKEN - OTOITZA

O Ama atsekabetua! Geure pekatuakaz zeure seme laztana il eta zure bijotz samura zauritu dogu. Geure gaiztakeria, geure erua autoituten dogu.—Ain donga ta eskerbagak izana damu dogu. Gugaz erukitu, geure ama zara ba ta; ta kurutzepian izuri zinuizan malko saminak Jesusi gugaitik eskiñi, euren bidez emen lurian parkaziñua ta gero betiko atsedena ta zerrua jaritxi daiguzan.

BEDERATZIGAREN EGUNERAKO
G O G A R T I A

Marijaren bakařdadia

Seme maitia ilten ta ilik ikustia naigabe aundija da amarentzat, baña, semiaren gorpu ila besuetatik kendu ta obiratzen dabenian, naigabe au aundijagua izaten dala esan leike.—Marijak bere seme bakař laztana kurutzeko erijotza lotsagař-ijagaz ilten ikusi eban, baita ilik euki be bere besuetan; eta luřeko amak, ordu laři atan, negařez ta zotinka egoten badira, ama guztijen artian samuřena zan zeruko ama onek, zelako negařak eta zotiņak emongo ez ete ebazan?

Jose ta Nikodemus deunak, beragaz eřukiturik, Jesusen gorpu ila besuetatik kendu eutsen eta usain gozozko bedařez estaldu ta izara baři bategaz batuta obijan ipiņi eben, arlosa aundi bat gaņian esař-irik.—Marija bere semiari azken aguřa egiņik bere etxera biurtu zan, bakařdadian negař samiņak izurtera.

— 24 —


Ze gau ilun eta baltza igaroko eban egun atan! Zenbat gauzagaz oroituko ez ete zan seme bagako gau atan! Érukañija benetan Marija aldi atan!

Bere atsekabe aundihakaz gogoratu gaitiala gura dau Marijak: Serbiten batzaña ipiñi eben zazpi gizon doneai alan adierazo eutsen.

Gogoratu..... ta eskatu..... Saspi «Aguñ Marija.»

AZKEN - OTOITZA

Martirijen Éregiña!, gure maitasunez ta gure arimen osasunerako, zeure seme Jesusen kurutzeko oparijagaz bat egiñik, samintasunik gañatzenak igaro ziñuzan ama laztana!; bederatzi egun onetan emon doskuzuzan ikasbide edeñak gure bijotzetan josita geratu deitezala, eurak sañi-sañi gomutaurik, bizitzia ondu, zeure oneraspenian berotu ta zeure birtute edeñakaz geure arimak ornidu daiguzan, onela, emen luñian zeure antzekuak izanik, gero zeugaz donokijan bizi gaitezcan. Alan izan dediña.



Este

BOLETIN

se publica ordinariamente

